

随園文鈔

柳田文庫

文庫11

D 233

1

10

15

20

25



文庫 11

D 233

# 小倉君山房

# 文集

柳川集文庫

入莫古於經而經之註疏家非古文也不聞鄭箋孔疏  
 其崔蔡並稱文莫古於史而史之考據家非古文也不  
 聞如淳師古與韓柳並稱其他藻語俚語障語皆非  
 古文則本朝望溪先生意之也詳鹿門八家之說襲  
 真西山讀書記中語雖非定論要為不失文章正宗後  
 世遵之者弱悖之者妄惟吾友子才太史掃羣弊而空  
 之記敘用斂筆論辨用縱筆敘事或斂或縱相題為之  
 而大槩超超空行總不落一凡字此其志也千載而下

010190557303



當有定論同徵老友杭世駿序

讀隨園文題解

我讀隨園文太史之官徒紛紛四百年來作者存屈指  
中郎多虎賁依傍門戶襲笑鬻豈不皮傅但失真先生  
棄官抱典墳胎息元氣藏精神靜觀萬物求其根嶽峙  
瀆流手挹捫天結地構心吐吞我文之法如是云庶幾  
成吾一家言百年數事代數人特筆傳志臣見聞達者  
貴者功德尊卑者賤者志業勤孝義節烈困厄羣正氣  
鬱律生苦辛端巖疎密氣象陳旁覓側出鬚眉新石渠  
金匱遺佚頌公爲存之待討論丞相卿尹大將軍削牘



論事開螺紋明體達用言可循利弊得失毫毛分規抑  
上官直氣伸亦嚴亦婉理道醇君子受之迴怒曠取而  
施行何其仁循吏指畫皆宜民用之廟堂風益淳文人  
之文斯可焚讀書論世平反申一洗俗眼千年塵自言  
序記別有遵嚴嚴峭潔荆公倫辨才豪氣至此馴玩之  
信然無跡痕天授此筆固午鈞輔以學識成彬彬染羽  
屢入緇緇練絲沃盥塗宿因角幹三液膠必均鮑人  
治革緩急勻篇成讀之覺恂恂數易稿本誰策動我望  
海洋雖退存字字暖我陽和溫我翁志節埋九原言行

美憂終淪叩頭陳狀泪沄沄倘賜表著公之恩傷哉

賤子亦史臣乞因其子憐其親館後學蔣士銓題



本朝文讀本

目次

嚴蔽

文華殿大學士太傅朱文端公神道碑

刑部尚書富察公神道碑

和碩簡親王碑

文華殿大學士尹文端公神道碑

協辦大學士吏部尚書孫文定公神道碑



本朝文讀本  
袁枚

太子太師禮部尚書沈文愨公神道碑

福建總督太子少保姚公傳

威信公岳大將軍傳

勇略將軍趙忠襄公傳

于清端公傳

河道總督陳恪勤公傳

直隸總督兵部尚書李敏達公傳

記富察中丞四事

書魯亮傳

書麻城獄

書潘荆山

李敏達公逸事

鄂文端公逸事

稗事一則

史公張秋治河記

上兩江制府請停資送流民書

本朝文讀本目錄



上陳撫軍辨保甲狀

答李穆堂先生問三禮書

答金震方先生問律例書

與是仲明書

覆兩江制府策公問典章事書

與江蘇巡撫莊公書

答沈大宗伯論詩書

再與沈大宗伯書

武英殿大學士太傅鄂文端公行集

答門生王禮折問作令書

答惠定宇書

答恣園中丞論推命書

答尹似村書

再答似村書

再與蕺園書

答彭尺木進士書



本朝文詞才  
袁枚

佛者九流之一家論

荆軻書盜論

駁侯朝宗于謙論

魏徵論

魯肅論

宋論

高歡字文泰論

張良有儒者氣象論

駁公羊氏宋宣公議

駁蘇子屈到嗜芟議

書院議

後出師表辨

金縢辨上

金縢辨下

六官辨

征苗疑

天月之寶大目錄



書王荆公文集後

書柳子封建論後

再書封建論後

書通鑑溫公唐羅州論後

讀賈子

讀左傳

讀孟子

書崔寔政論後

書韓子琴操後

策秀才文五道

論語解四篇



嚴蔽

其大府御下嚴。巡鳳陽。奚奴召謳者。侑飲事。穀其頭。斃意以警衆也。嗣後每巡。羣奴挾妓而博。強索州縣錢。箕坐大呶。大府竟不聞。袁子曰。是嚴之蔽也。漁者謹提其網。而網踈焉。故常得巨魚。或從擲于鰍蝦間。則吞舟者逃。天下人善不善而已。其善者見一罪。發卽一人死。有所不忍。則專務爲隱匿。縱捨其不善者。知罪小死大。



大府之廣本

一



本朝文讀才 哀故

亦死均死也。則寧為其大。以自溢于法之外。而姑快吾意。故橫益甚。然則上之嚴。將禁惡也。而乃生惡。慮失八也。而反失。出豈非有所蔽歟。既蔽之。將并其嚴。而夫之。然則宜如何。曰。多其察。少其發。此御下者之法也。匪重匪輕。適協其平。此用刑者之經也。

文華殿大學士太傅朱文端公神道碑

乾隆元年秋九月十四日

今天子命

車駕

親臨大學士朱公第視疾。又四日。公薨。

天子再奠于其第。加贈太傅。謚文端。冬十月。公長子

遵政使右通政。必楷。次子翰林庶吉士。璣。輿機

歸葬。剛日巳卜。求文其貞珉。以光揚休命。枚伏

本朝文讀才



考史。淵。堯。學。于。子。州。父。舜。學。于。務。成。昭。古。之。聖。人。皆。有。所。從。遊。以。增。崇。其。欽。明。二。臣。者。雖。訐。謨。無。聞。而。要。其。能。為。舜。舜。之。師。其。人。必。邁。皇。聖。而。上。公。奉。

世宗詔侍

皇上青宮最久

皇上登極未一載仁言

聖政重累而下九州八陔靡不異音同歎慶堯舜復

生然則公啓沃之功可以想見而公之風概又豈可求諸唐虞下哉公諱軾字若瞻號可亭世居江西高安縣公宜髮廣新音中黃鐘鬚數十莖罗匕可數康熙癸酉舉人甲戌進士入翰林改知湖廣潛江縣事治獄忤總督某巡撫劉公殿衡至曰吾久聞朱令賢今觀所爭獄益信為解于督臣而薦之遷刑部主事轉郎中督學陝西尹奉天再遷左都御史巡撫浙江



世宗登極累遷吏部尚書文華殿大學士故事宰相  
涖任必詣翰林衙門公去而復至海內榮之其  
撫浙也浙西瀕海衢洋石墩多風魚之災公樵  
老鹽倉淤中小鹽渚夏益出功成氓廬大安其  
任風憲也大將軍年羹堯以大逆誅父遐齡年  
八十餘法當從坐九卿俱請諡矣公不署名  
世宗責問公奏以子刑父非法也臣簿錄年氏家書  
遐齡訓其子甚嚴子不能從以陷于罪罪在子

不在父

世宗領之遐齡竟免其辨治直隸管屬也以漳衛諸  
河為經以趙北口兩淀為咽喉胥壤引泉凹坻  
衛隄溉田六十頃其督賑陝西也安流庸禁過  
糴勸糴粟請留漕立醫廠增驛夫兩隨禱降民  
與災忘公潛躬味道神識凝然而于救贖軍國  
靜密詳審朝廷倚如金城故為都御史時請終  
父喪



本朝文讀本 哀枚

聖祖勿許在營田所請終母喪

世宗勿許公維斯徒跪洵涕力請至於批鱗叩閣章

三四上黃門近御皆咋舌瑟縮奪毀奏稿九卿

大臣慰勸者相環而公陳之愈力萬不得已則

引古墨經禮請從征西戎

兩聖人愛其忠難須臾離間其孝重違其意乃

詔如怡賢親王居母喪故事勿朝會勿吉服勿補所

官

國家有大事公卿詣廬中谷謀性介而和病門生其

餽侵公呼謝者再開封稱量畢仍還之日以束

修問先生於誼甚古受之無所為非第書不云

乎享多儀儀不及物吾体未羸無藉於侵故稱

量之則已受汝儀矣奚必及物耶

今上在藩邸時聞公講生民休戚歷朝治乱尤悉既

即位凡所陳奏無不張施公自知道可大行輔

志弊謀如恐不及乾隆元年首陳除開墾省刑

本朝文讀本

五



本朝文讀本 哀枚

罰兩疏其他語秘外不盡知然公已七十二歲  
鬢頰秃且盡

天子恐用公晚一切大事虛已咨詢公亦忘身殉國

竭聖聖之思卒以成疾輔

新君九閱月而薨其遺表曰臣遭盛世入綸扉既老  
且疾口垂閉矣伏念國家萬事根本君心所重  
者理財用人而已臣核

國儲經費綽然後有言利之臣倡為加增者幸勿聽

之至于君子小人之辨尤易混淆尚書逆于汝  
心遜于汝志二語願

皇上時以為念則臣魂魄長逝永無遺憾章上海內  
傳誦之所著有春秋詳解三禮纂名臣循吏等  
傳夫人陳氏先公亡合葬某

銘曰惟天以

聖清有德篤生良弼惟

帝以聖相有庸恩始榮終奕奕太傅學為儒宗視躬



何約艾物何豐孤終既協陰陽就宮亦醜養瘠  
休我王風凡彼百工倖倖衝七或才之忌或盛  
名之攻至于太傅而日君子竟罔不念同梁木  
壤矣心支明堂舟楫朽矣慮海波之或揚讀公  
遺表憊憊

君王身墜泉底心立殿旁皇謨說命餘音琅琅配于  
本廟祀于太學書于旗常葬于磽确松栢九九羊虎  
躍七永峙一碑以侑五嶽

刑部尚書富察公神道碑

公諱傅鼎字閣峯先世居長白山號富察氏祖  
額色泰從

太宗文皇帝用兵有大功子四次子驃騎將軍噶

爾漢輔

聖祖致太平生公公眉目英朗倨身而揚聲精騎射  
讀書目數行下年十六選入右衛侍

世宗于雍邸驟乘持蓋不頃刻離雍正元年補兵部



右侍郎年羹堯以大逆誅窮其黨公謂廷臣曰

元惡已誅脅從罔治衆專上久能知

上之用心倘諸公心知某冤而不言非

上意也諸王大臣以公語平反無算岳興阿者九門

提督隆科多子也隆柄用時禮下于公公不往

及隆敗公爲上言岳無罪

上疑公與隆有交故爲岳地謫戍黑龍江公聞命負

書一篋步往率家僮谷薪自炊先是公在

上前嘗論進噶爾情形

上不以為然用兵數年所言驗乃

召公還予侍郎銜命往軍前參贊未行仍命入宮侍

起居

上違和醫藥事皆公掌之十二年春命公觀兵鄂爾

多斯部落中途偵賊數萬掠地西走公即赴拜

達理請于大將軍馬爾賽曰賊送死可唾手取

也爾遠來雖兵疲猶能一戰惟馬力稍竭願大



將軍給輕騎數千助築事成歸切將軍事敗稟  
受其罪馬嘿然再三云不應公憤激自率所部  
出與賊戰大敗之獲輜重牛畜萬計卒以馬病  
不能窮追事聞

天子大悅賜孔雀翎移佐平郡王軍謀斬大將軍馬  
爾賽徇於軍會賊有求降意而盈廷諸臣皆欲  
遣使議和罷兵

上問公公叩頭曰此社稷之福也

上意遂定即命公同都統羅密學士阿克敦往時戰  
爭連年虜氛甚惡窮沙萬里雪沒馬鼻行者迷  
何認人畜白骨而行公聞命不辦嚴徑上馬馳  
抵策凌部落策凌坐穹廬紅氍毹為褥金龍蟠  
疊五尺高侍者貂蟬持兵女樂數行彈琵琶獻  
酒公從容宜

詔音響如鐘首蠻伏地觀者以萬計皆膜手指更言  
曰果然中國



大皇帝使臣好狀貌也。

詔劃阿爾泰山為界策凌曰阿爾泰不毛之地中國

奚用且我先人披荆棘厲血刃與喀爾喀爭來

之地寧忍棄之公曰以為若不念先人耶若肯

念先人更善昔我

聖祖征噶爾且通好於若國若國主畜叛助順噶

爾且送來在途病死若國震于天誅即獻阿爾

泰地方中國受之置驛設守已有年矣今猶以

為言是非背

大皇帝乃是背其先人豈非大不祥乎策凌語塞思

以利害動公乃集十四鄂托十四宰桑合而見

公曰議不成公不歸矣鄂托宰桑者華言十四

路頭目也公叱曰出嘉峪關而思歸者唐奴也

某思歸某不來矣今日之議集萬世和好不

集三軍暴骨一言可決而談亡如兒女子吾為

而王羞也諸酋相目以退翼日策凌如紉結表



本朝文詞才表枚

求公轉奏并遣空桑同來獻橐駝明珠等物

世宗大悅。赦天下。加公三級。晉秩都統。

世宗崩

今上登極。遷刑部尚書。以謨舉。叅領明山。失察家人

兩事。落職入獄。病刑部尚書孫公嘉淦奏請就

醫。私弟許之。薨于家。年六十二。葬西山獨樹里。

子三人。長昌齡。官編修。次科。占。次查訥。俱有父

風。公寬于接下。大難剛干事上。太慙。仇。死。目。嘉

好聲矜賢簡節而疎目以故無平不陂福與禍

俱丙辰會試榜發公奏請搜落卷

上允之復取中三十餘人有廣東劉起振者年八十

八以公薦入翰林為一時盛事所居稱香草堂

有白雁峯鰲峯東臯南莊諸勝積書萬卷拾四

方人與遊性理經史詩文醫人日若悉萃集焉

果親王任事時警效所及九卿唯唯公在坐伺

王發聲聽未畢輒迎拒曰王誤矣王不能堪



世宗責公曰。汝知果親王何語。而又誤耶。公亦不能答也。

銘曰。公如劍。其干將乎。誰不欽。以其光乎。卒以折毋。乃剛乎。迷陽迷陽。傷善良乎。固不知赤堇之劍。而南山之藏乎。

和碩簡親王碑

乾隆十四年。簡親王神保住。以事削爵。

子命鎮國將軍德沛襲封。王名德沛。字濟齋。祖福臘關。封貝勒。父福存。封貝子。王以嫡出。應襲封鎮國將軍。讓與從子恒魯而已。托足疾。入西山讀書。

世宗以果親王薦。

召見。問所欲。曰。願側身孔廟。分特豚之饋。



本朝文獻不哀校

世宗重之授兵部侍郎遷吉北口提督巡撫甘肅  
今上登極遷湖廣總督調浙閩再調江南王面頰無  
鬚鬣頤霜如矢道氣益然服侍皆內監宦者每  
見屬吏南面坐監司以下長跪白事外于周孔  
仁義一不關口聞人善則信聞人過則疑以和  
顏接士士之曉經術能吏治者尤篤愛如子弟  
然甘肅歉收冬不上聞至到兩月不雨報旱普  
州司官肅報災自王始衡永郴道某修柁梓州

于洞庭湖便文自營夫役多溺死前總督近杜  
庇之某故大俠有氣力知王來必不相容走關  
節京師凡貴人識王者聽請書月以百數王積  
尺許一切不開視先劾奏某褫職擒問服罪然  
後聚而焚之御史朱續暉劾福建巡撫某受韶  
州守某賊

上疑不實命朱往會同王鞠時巡撫與太守俱未解  
任聞朱來欺其孤遣猾吏鉗伺之風影甚危人



亦疑王與巡撫同城不先舉發而為朱所奏必

護前朱以小臣犯眾怒行萬里外勢必不能自  
脫王竟自伏失察罪奏直朱而置巡撫太守于  
法天下服其公越俗尚禮有五通神為崇王毀  
其像將軍隆升貪縱王劾去之民大懼為建生  
祠乾隆七年淮揚大水王慮漕粟往民不及炊  
乃煨餅于艘蔽河而哺兩岸嗷聲若流菜色立  
變謂府縣放手開倉庫賑寧役侵可重領可務

使恩流于民凡留養資送煮糜張廠加恤各色  
目靡不舉是歲奏動地丁關稅鹽課銀共一千  
萬官吏震駭或色不相許王輒奮曰堯舜在上  
必不以活民獲罪縱為活民故罷歸于心不更  
安耶論者謂江南是年災實非常然數百萬丸  
瘞捐瘠鮮溝壑死又不相寇災賊殺非王之勇  
不能肩非

皇下之仁不能容也議河事與總河高文定公不合

大明文獻通考



召補吏部侍郎兼國子監祭酒尋遷尚書封王  
一年薨王宅心遊目恒在三代上入學謁聖必  
摩挲其俎豆鐘簋煨而慕思不忍訣捨居恒危  
坐番番雖矜莊而虛已已甚常詣成均講大學  
橋門俯聽者于餘人皆悅服獨助教王之銳前  
曰猶未盡王請益曰自天子以至于庶人一節  
聖經畢矣其本亂云云須重申之以見吾儒所  
以異于二氏之義王欣然下階三肅而謝助教

者河間人所稱仲穎先生者也袁枚宰江甯時  
王過境廉從索供頽勢甚張枚以實啓王嚴檄  
禁督嗣後肅然以此受知尤深王所著有周易  
解八卷實踐錄二卷薨年六十九謚曰儀無子  
以從子恒質嗣



本朝文獻之哀枚

三

文華殿大學士尹文端公神道碑

乾隆三十六年二月文華殿大學士尹公薨于位

天子震悼加贈太保謚文端崇祀賢良次年三月公子慶玉等扶柩葬于遼東遵公遺命墓勿為碑其門下士袁枚泣而言曰古勲華之盛皆于臯夔之訐謨中見之我國家治隆唐虞天生文端公熙

八月二十一日

十六



本朝文誥本 袁枚

收

帝之載垂五十年。四夷九州。聞公慕公。萬頸胥延矣。  
倘生平忠勛。離然就湮。于公謙德可也。其何以  
佐。

聖清之光明哉。第公奏稿盡焚。密勿語外。罔聞知。而  
枚又生晚。靡能記憶。謹就受業以來。隅坐時齒  
牙所及。諸軍民屬吏所祝稱者。鋪揚之以聲于  
貞石。或亦左氏所謂。連而道者耶。諸公子曰。唯  
唯。乃撫其梗概而銘之。曰。公諱繼善。字元長。晚

自號望山。滿洲鑲黃旗人。世居遼東。父泰。罷祭  
酒家居。

世宗為藩王。祭長白山。召與語。悅之。問有子仕乎。白  
第五子繼善。舉京兆。日當令見我。及公試禮部。  
將謁雍邸而

聖祖崩

世宗即皇帝位。乃中止。公亦登雍正元年進士。引見。  
世宗喜曰。汝即尹泰子耶。果大器也。選入翰林。而召

大明文誥本

十七



本朝文讀本  
袁枚

祭酒公爲工部侍郎尋遷東閣大學士怡親王  
請公爲記室

上許之天寒水羊裘從王王憐其貧賜青狐一襲奏  
署戶部貴州司郎中當是時廣東總督孔範珣  
與巡撫楊文乾不相中肇高廉道王士俊者楊  
所薦也伺楊入覲劾王下獄公承

命往鞫得其情

世宗深嘉之未復命授廣東按察使甫抵任遷副總

河未半年遷江蘇巡撫仍兼河務事時雍正六  
年也江蘇漕政執弊公奏衛丁州縣費各有需  
嗣後請米一石收費六分先給官丁使無不足  
然後一裁以法又奏平糶盈餘非公家之利應  
存縣庫又奏撤水師營而增沙船巡海又奏鹽  
院伊拉齊不法請褫職擒問

世宗悉允所請謹聲接于衢七年署河道總督九年  
署江南總督未一年雲南元江苗反調雲貴廣



不詳... 袁枚

西三省總督公白哲少鬚麤豐頤大口聲清揚  
遠聞著體紅瘕如硃鮮日秀而慈長寸許釋  
禍五年卽任封疆年裁三十餘遇事鏡燭犀剖  
八面瑩徹而和顏接物雖素不喜者亦必寒暄  
周旋常一月間兼攝將軍提督巡撫河漕鹽政  
上下兩江學政等官九印彪列簿書填委而公  
判決恢然無瘁容亦無驕色猶與諸生論文課  
詩以故民相傳折服聞呼騶過爭欣欣然走一

二里追輿望影以爲天人其督南河也

上命開天然壩公不可適浙督李衛入覲過清江傳  
旨嚴飭且云衛已奏明黃水小開固毋妨公覆奏李  
衛不問河身之深淺而但問河水之大小非知  
河者也倘河淺壩開宣流太過則湖水弱難以  
敵黃之強方草奏時幕中客齊爲公危有治裝  
求去者公不爲動

世宗憲曰卿有定見朕復何憂輟

大明... 袁枚



御衣冠賜公而加公太子太保其調雲貴入覲也江  
南災河東總督田文鏡欲夸所屬之豐請濟東  
粟助賑按察使唐綏祖密奏東省亦災粟宜留  
世宗問公公奏如綏祖言

世宗曰如卿言山東誠災第綏祖田文鏡所薦不宜  
異議公曰臣聞古人有申公憲以報私恩者若  
臣作田文鏡只知感愧不知嫌怨時唐禍幾不  
測以公解得免而公初不識唐也公既到滇知

前督高其倬雖受譴而老成有識乃虛已諮詢  
高亦感公意備告欵要遂率總兵楊國華董芳  
等分路進兵破之擒其魁老常小等元江平今  
上登極之二年補刑部尚書四年教習庶吉士五年  
總督川陝八年江南災調兩江十三年調廣東  
不果補吏部尚書協辦大學士金川用兵乘傳  
與忠勇公傅恒詣軍前受降畢仍督川陝十六  
年調兩江十九年河決



命督南河河平。

命視師伊里半途追還仍督兩江二十九年。

上召公爲慶七十賜讌于第拜文華殿大學士仍攝

總督次年還朝相

天子七年薨公毅而能擾機牙四應

上深知之凡糾紛盤錯事他大臣能了者不命公既

命公則皆棋危柁險萬口禁声人方怯公無下

手處而公紆徐料量如置器平地靡不帖妥又

如東風吹枯頃刻改色凡一督雲貴三督川陝

四督江南而在江尤久前後三十餘年民相與

父馴子伏每聞公來老幼奔呼相賀公亦視江

南如故鄉渡黃河輒心開臨入閣時吏民環送

悲號公不覺悽愴傷懷過村橋野寺必流連小

住慰勞送者不侵官不矯俗不畜怨不通苞苴

嚴東廉從所涖肅然將有張施必集監司以下

屬曰我意如是諸君必駁我我解說則再駁之



不草之詞不袁枚

使萬無可駁而後可行。勿以總督語有所因循也。以故公所行鮮有敗事。所理大獄。雍正間江蘇積欠四百餘萬。乾隆間盧曾生偽稿及各部叛逆邪教等案。皆株引萬千。而公部居別白除苛解燒不妄戮一人。先是十六年。

天子南巡。黃文襄公盱衡厲色。供張辦。二十二年。至三十年。公三迎。

龍然民不知徭役。供張亦辦。人以此服公之。

也。公清談于雲。而尤長奏對。

世宗嘗詔公曰。汝知有督撫中當學者乎。李衛鄂爾。泰山文鏡是矣。公應聲曰。李衛臣學其勇。不學其粗。田文鏡臣學其勤。不學其刻。鄂爾泰大局好宜學處。多然臣亦不學其復也。江蘇布政使某妄奏。司胥侵歷年正供。自矜嚴察。公偏劾其寬縱。曰。某既知庫虧百萬。而不能科別窮治。何耶。



才華不計不袁枚

上意釋命大學士劉統勳會同按覆事。東虛俗傳公  
貌類佛而不喜佛法。聞人才後進則傾軫推轂。  
提訓華筭每公餘一卷一燈如老諸生。寒暑勿  
輟。詩成喜人吟聽。至頓挫處手為拍張。或半字  
未安必嚴改。乃已。以故清詞麗句雖專門名家  
自愧不如。

上嘗下詔云。本朝滿洲科目。惟鄂爾泰尹繼善二人。  
嗚呼榮哉。故事宰相抵任在翰林衙門。公人相

時所坐處。即公先人之位。公母徐氏。側室也。以  
公貴。封一品夫人。公側室張氏。以第二女為  
皇八子妃。亦封一品夫人。充丙戌會試總裁。先一年  
而降。

皆異數也。公本姓章佳氏。先娶郎氏。再娶鄂氏。俱  
封夫人。子某某。

銘曰。一事未行。懽聲雷鳴。問厥所由。相感以誠。  
一合裁布。趨迎滿路。我知其故。信之有素。大哉



夫。子。金。繹。玉。温。仇。怨。低。首。羗。戎。扶。輪。五。行。中。士。  
四。時。中。春。惟。其。育。物。所。以。歸。仁。公。嘗。訓。人。人。如。  
履。地。不。留。有。餘。鮮。不。顛。躓。人。亦。指。公。公。如。大。樹。  
安。寢。其。下。使。人。可。據。羊。腸。業。業。公。能。游。之。虎。目。  
獐。獐。公。能。柔。之。匿。瑕。藏。疾。公。亦。憂。之。摘。果。未。熟。  
曰。且。留。之。及。其。覆。矣。轉。相。咎。矣。公。亦。無。言。笑。而。  
受。矣。貴。且。彌。恭。老。乃。益。聰。乾。乾。日。稷。扶。我。皇。風。  
大。鐘。勿。考。大。廉。勿。表。官。久。胡。貧。惟。天。了。了。十。事。

要說姚崇忠愛。公欲云云。探懷有待。元齡遺表。  
諫征高麗。公竟生前。抗顏陳詞。易箆猶視。殘編。  
斷紙。曰。性。所。就。惟。文。與。史。七。十。七。年。大。星。歸。矣。  
如。彼。宣。尼。可。止。則。止。有。子。十。三。鄧。家。金。紫。罔。不。  
束。脩。敦。詩。說。禮。遼。水。湯。湯。繞。公。墓。堂。江。水。悠。悠。  
望。公。來。遊。二。水。之。間。知。公。俱。到。所。到。抗。多。江。南。  
有。廟。



協辦大學士吏部尚書孫文定公神道碑

公諱嘉淦字錫公一字懿齋故爲太原縣民自  
代遷與居邑之臨河里父天繡以俠聞殺人吏  
持之急公年十八與其兄日行三百里出奇計  
脫父於獄中康熙癸巳進士雍正元年公以雄  
詞上封事三曰親骨肉曰停捐納曰罷西兵  
世宗壯之立召對授國子監司業遷祭酒再遷順慶  
府尹工部侍郎先是工部吏奏銷爲姦公頌工



程科比而先以物價咨外省督撫臨期料覆  
籍而已更相弔千家十年遷吏部侍郎仍兼  
酒事薦教習某

世宗不用公爭益堅

○吳○擲○紙○筆○與○之○曰○汝○書○保○狀○來○公○持○筆○欲○下○大○學

士某呵曰汝敢動

○御○筆○平○公○方○悟○捧○筆○叩○頭

世宗怒反縛置獄擬斬已而請大學士某曰孫某

太○慙○然○不○愛○錢○可○銀○庫○行○走○公○出○獄○不○抵○家○徑

趨○庫○所○果○親○王○疑○公○故○大○臣○黜○必○嘆○於○懷○不○屑

會○計○事○又○聞○藝○語○謂○公○沽○名○收○銀○有○縮○無○贏○乃

出○不○意○突○至○庫○祝○公○公○方○抱○持○衡○僣○稱○量○與

吏○卒○襍○坐○勞○苦○均○共○問○所○收○銀○有○不○足○乎○曰○某

所○收○別○置○一○所○請○覆○之○王○幸○權○良○久○無○絲○毫○縮

贏○如○衡○而○止○王○大○奇○之○即○為○轉○奏

上○亦○愈○重○公○命○署○河○東○鹽○院



今上元年擢左都御史遷刑部尚書二年轉吏部尚  
督總督直隸直隸旗民襍處多豪強聞公往先  
聲警服引水溉田開五百八十支河使溝水通  
道道水通河河水通淀交注滙洩無所滯留晉  
州小兒被殺司村紀某衣污豆汁有司悞爲血  
刑訊誣伏最後真定府知府陳浩來白公而勾  
決之

旨已下公奏雪之又奏直省酒禁太嚴以日用飲食

之故使天下騷騷非政體也弛之便一時解縲  
綫者三千餘人又奏給旗人屯田墾治古北口  
山海關外荒土數萬頃六年調湖廣總督前撫  
開橫嶺三洞議者以路太險欲棄之公曰此地  
於國家原無所可惜但諸苗俱入版圖而獨留  
此巢穴或不逞者聚焉則震驚寶靖城綏矣奏  
設參將募兵鎮撫羣峒肅然調撫福建以前訊  
糧道謝濟世事不實免九年冬補宗人府丞公



解身文讀序 吳枚

請老許之十四年。

召補副都御史。尋遷吏部尚書。協辦大學士公內峻。外和相對者如登泰華。坐春風。非不陽和。熙熙。時在顏間。而業已將人。置青雲上。雖有下界。誣。謗語。不特不敢出于口。亦并不能生於心。好靜。坐。退。食。之。餘。一。經。相。對。兩。朝。

聖人知公所學深。能扶文運。故命再督學。五典鄉試。兩總裁。禮闈四任。分校。再領成均。再任翰林掌。

院教習。庶吉士。充經筵講官。行走上書房。又。

命白進經義一章。纂毛詩折衷成復。

命註易傳彖爻甫畢。而公病矣。門下士卿貳百。辟布。

列中外。銘旌歸。送者縞素如雲。朝為之空。彰義。

門內外。車馬填塞數十里。皆舉首以過喪。

天子震悼。

命皇子奠酒。謚文定。公既負直。麓屢躓。屢起。晚年勸。

望愈隆。朝中畧有建白。天下入咸曰。得非孫公。

本朝文讀本



左傳文選卷之四

耶遂有匪人偽奏疏一紙語甚悖託公所為窮  
治經年裁得主者名

天子知公忠無他腸寵遇益隆而公終不自安以為  
捨他人而我假必其致之者有自自此食不甘  
寢不寐情懷忍忍一切所以補宵旰蒸密勿者  
彌口不宜即家庭間亦寂然無復聞知故所狀  
公者止於此薨時年七十二子孝愉陰刑部主  
事壘某

銘曰繁星爛宵卿月孤明我冠盈朝儒者孤行  
穆穆孫公性謙降靈目營四海心醉六經摧剛  
為柔惟誠故形三揖在下九奏在廷成有欽式  
閑手仰成北鎮幽燕南臨荆楚如泰山雲眉寸  
而雨

皇帝曰來卿學如古古聖有心交朕與汝汝其發明  
朕為汝主公晝夜額額精思採取易極連藏詩  
窮齊魯齊夢孔周且質堯禹每奏一經黃封旁

本朝文讀本



本朝文讀本袁枚

午孔明淡泊豈喜聲聞無如以愛益美紛紛以致名尸走索其門。譚語。鑿言。直達九闈。

帝曰徐之俾是。究是陳鏡。湟愈。瑩絲。漚愈。純保。一个。臣終始于恩。惟予小子。受知最早。欲永公名。金

石是考所聞者。稀所書者。少嗚呼。恐大行山高。不如華表。

不如華表

太子太師禮部尚書沈文愨公神道碑

乾隆三十四年九月七日禮部尚書太子太傅

沈文愨公薨于家。余三科同年也。故其子種松

來乞銘。余按其狀。而不覺嗚咽流涕。曰。詩人遭

際。至于如此。盛矣哉。古未嘗有也。在昔卿雲。塵

歌。則有八伯。喜起。塵歌。則有阜陶。卷阿。矢音。則

有名公。其人皆公侯世卿。非藉詩進者。唐人或

以單詞。短句。受知。而目色偶及。恩眷已終。即晚

大明文讀本



本朝文讀本表枚

遇如伏生相樂亦不過補輪一徵几杖一設而  
其他無聞焉惟公以白髮一諸生受

聖人知三十年位極公孤家餐度支遠封榮祖近蔭  
貴孫薨後

皇情紆眷賜諡賜祭賜誄贈太子太師崇祀鄉  
賢嗚呼如公者古何人哉古何人哉然而皆天  
也非人也公諱德潛字碩士自號歸愚吳郡長  
洲人弱冠補博士弟子丙辰薦博學鴻詞廷試

報罷戊午舉于鄉己未登進士入翰林壬戌春  
與枚同試殿上日未昃兩黃門捲簾

上出賜諸臣坐問誰是沈德潛公跪奏臣是也文成  
乎曰未也

上笑曰汝江南老名士而亦遲遲耶其時在廷諸臣  
俱知公之簡在

帝心矣越翼日授編修屢和  
上詩稱



本朝文讀本 袁枚

旨。遷左中允。少詹事。典試湖北歸

召入上書房。再遷禮部侍郎。校戊辰天下貢士。公自

知年衰。薦齊召南自代而已。請老。

上許之。命校

御製詩畢乃行

上賦詩以賜。曰。朕與德澤。謂以詩始。以詩終。矣。歸

後。卷益隆。三至京師。祝

皇太后

皇上萬壽。入九老會圖。形內府而

皇上亦四巡江南。望見公

夫顏元喜。每一書接。必加一官。賜一詩。嗟乎海內儒

臣耆士。窮年兀兀。得

朝廷片語。存問。覺隆天重地。而公受

聖主賜詩。至四十餘首。其他酬和往來者。中使肩頭

相望。不可數紀。常進詩集。求序。

上欣然許之。于小除夕。坤寧宮。手書以賜。比以李杜



高王海外日本琉球諸國走驛券索沈尚書詩  
集盛矣哉古未嘗有也然公逡巡恬淡不矜驕  
不于進不趨風旨下直蕭然繩菲皂緋如訓蒙  
與或奏民間疾苦流涕言之或薦人才某某展  
意無所依回或借詩箴規吁堯咈舜務達其誠  
乃已諸大臣皆色然駭而

上以此愈重公公既老所選詩或不能手定庚辰進  
本朝詩選體例舛午

上不悅命廷臣改正付刊而待公如初此雖

皇上優老臣救小過使人感泣而亦見公之朴忠有

以格天之深也公嘗訓其孫惟熙曰汝未冠蒙

皇上欽賜舉人亦知而翁十七次鄉試不第乎公鄉

舉時已六十有六其時雖齟齬切想必不自意

日後恩榮至此而從來人主之權能與人爵未

必能與人壽倘

皇上雖有况施而公不能引其年以待之則亦帝力



于公何有矣。觀公之九十七歲方薨。然後知蒼  
蒼者有意。鍾美于公。以昌萬古。詩人之局。而  
皇上與天合德。先天而天不違。公之年與恩俱。亦有  
莫之爲而爲者。嗚呼。此豈人力也哉。公醇古淡  
泊。清臞。蓋立居。恒恂恂。如不能言。而微詞雋永。  
無賢不肖。皆和顏接之。有譏其門牆不峻者。夷  
然不以爲意。詩專主唐音。以溫柔爲教。如絃匏  
笙簧。皆正聲也。所著古文詩各三十卷。詩餘一

卷。先娶俞氏。後朱氏。均贈夫人。以庚寅二月二  
日。葬元和之菱村里。

銘曰。古松得天。讓萬木先。雖槁暴于前。而償以  
後。澤之綿綿。則較夫早達者。轉覺羸焉。皤皤沈  
公。杖朝而走。

帝曰。懋哉。朕知卿久。朕有文章。待卿可否。殿上君臣  
詩中僚友。公拜稽首。老淚浪浪。從古傳人。半仗  
君王蒙。



不真又言不哀故

陛下將臣置日月旁以星雲色為名姓先生論定矣  
死何勿彰吁嗟乎宮為君商為臣宮商應聲先  
生之詩之神

福建總督太子少保姚公傳

公姓姚名啓聖字熙止浙之會稽人生而側隱  
以豪聞弱冠時路遇健兒劫二女子行其翁隨  
之哭牽持洵洵公大怒即奪健兒佩刀殺健兒  
縱翁與二女子去而已逃入旗

聖祖登極公以布衣上疏請八旗開科遂舉康熙二  
年鄉試宰廣東香山縣明末廣東寇災民稅不  
登知縣坐負譟獄繫者七人公嘆曰明年增壽

本朝文讀本



為八矣。乃張樂置酒。出七人于獄。痛飲之。為辦裝遣歸。而通牒大府云。七令名下。應追金十七萬。已于某月日收庫。訖督撫。驚疑公巨富。代償。務行善而不知公故。寒士實未辦。作何償也。居亡何。王藩反。

天子命康親王南征。公謂其友吳興祚曰。我賈禍大。非僅王立奇功。不得脫。欲說王非。不可。吳許。遂為予金五十俸。通門關之。所又陰探土好。輝。

為造十萬九銀泥封。襪施五采。藉吳獻之。吳亦貌王立。甚口熟悉。八閩阨塞。錢糧兵馬之數。王與語大悅。飛檄廣東。辟公參謀。督撫知為公所賣。迫于王命。不得已。將所虧帑。強海商填庫。而遣公行。當是時。閩王耿精忠。脅鄭經同反。經者成功之子。據臺灣者也。先一年。其將黃梧。以海澄。廈門。降。經為精忠所誘。復煽遺孽。據廈門。使其將劉國軒等。拒王師。會精忠已為浙督李之



本朝文讀本 袁枚

芳所敗窘乞降王不許公請于王曰此二賊者如韓遂馬超不離之卒難破也請許精忠降而專攻經王許之公招降潮州賊劉進忠汀州賊韓大任皆滇逆吳三桂黨也王嘉其功奏授溫處僉事道再擢福建布政使公率其子儀攻紫閩山破之又擒賊將曾養性于温州

上知公可大用加兵部侍郎銜總督福建以吳興祚為巡撫康熙十七年海澄公黃芳都統穆熙林

等戰敗于祖山頭遂保海澄同軒攻陷之乘勝取長泰同安進圍泉州再逼漳州兵號十萬臂于龍虎蜈蚣兩山軍容甚盛城中兵少公以五蠟丸檄泉州兵來援不至耿精忠悔其降大慟將軍賴塔欲棄城走公曰賊驟勝而驕謂我不能軍也請不戰以解之而出奇以破之命開城門鞞弓臥鼓忽一日天大霧公吹篳篥者三壯士鍾寶等突開城持長戈先馳而公自率精馬



五千繼之呼聲震天賊不辨眾寡自相蹈籍陣  
遂亂自辰至酉斬首四千生禽千五百人國軒  
敗走海澄公收復長泰同安等處進攻海澄海  
澄者濱海地也峻而險賊據之築塹高數丈排  
列艨艟守金門諸島密若布棋相持一年不決  
公開修來館招降人奏設水師提督練水戰分  
道散兵擾其餉道賊漸乏食十八年吳三桂死  
其五鎮將黃靖等相繼來降經大將朱大貴亦

降賊勢愈蹙十九年公會同巡撫吳興祚提督  
萬正色水陸進兵攻海澄克之賊逃歸臺灣先  
是鄭有梟將曰施琅斬經變來降

上授水師提督屢立戰功公知琅熟悉海道奏取臺  
灣非琅不可又奏鄭經死子少國內亂時不可  
失

上乃使公與琅同進兵琅請由銅山蘇穴開洋乘南  
風攻澎湖公欲待北風直趨臺灣彼此意見不



不草三言之袁枚

合各有奏聞。會南潮驟發。船艦乘疾流。逼壓賊壘。被賊圍困。琅駕樓船衝突入圍。公率兵相助。至鹿耳門。門仄水淺。琅之舟不得上。賊據高險。處曳足。覲揚揚自得。公禱天妃廟。借水。明日大戰。砲發水驟。長一文舟。並行如鳥。張翼而上。賊錯愕。不知所為。哭曰。天也。夫復何言。國軒與鄭經。子充。礮面縛。反接以臺。降自康熙十三年。用兵至二十二年。福建平。

天子晉公兵部尚書太子少保。授琅靖海將軍。封靖海侯。公身長七尺。髯兩鬢白。精光四射。手勒奔馬。用弓至二十石。麾下所養奇材劍客。皆能得其死力。臨陣時。應變如神。而性慈。不妄殺戮。先是閩人困軍。供十室九匱。當事者遷沿海居民于內地。界而圍之。越者死。民多流離。滿兵奴其老稚。鞭笞呼號。公受總督印。即奏滿兵不宜水土。宜撤歸。又奏康王體尊。不宜久暴于外。宜先

本朝文讀本



不詳之言才袁枚

班師疏三上

天子報可。兵歸者猶驅子女北行。公向王涕泣求。下令嚴禁。而私領家財贖之。凡捐金三十萬。贖所俘二萬餘人。還閩中。又請開海界。復民田廬。所降卒懇荒土資其生。列成于外。以防衛之。閩人歡呼祝延。處七省公像為生祠。初廈門有石丈云。生女滅雞。十億相倚。人多不解。及臺灣平。或曰。十億兆也。加女姚也。鄭字西旁雞也。滅雞滅鄭也。當芝龍起事時。公始生。傳四世六十年而為公。滅公滅鄭之次年。疽發背薨。



云華文譜又表故

XI

威信公岳大將軍傳

公姓岳諱鍾琪字東美一字容齋先世湯陰人  
為忠武王飛之後十七世徙居蘭州父昇龍以  
百夫長從征吳三桂立功累遷至四川提督因  
家焉薨謚敏肅公生有至性母苗大夫人疾刲  
股以療敏肅公命之射猶忍痛發矢為兒時好  
布石作陣進退羣兒頗有法敏肅公器之奏以  
同知銜改武授松潘鎮遊擊遷永寧副將康熙

本朝文讀本

四十一



袁枚

五十八年西藏達哇藍占巴等叛

天子命十四親王為大將軍噶爾弼為副將軍率公  
征之公領兵四千先至察木多獲逃酋探知有  
準噶爾使者在其地誘各番酋守三巴橋過我  
兵公念三巴橋者進藏第一險也賊若斷橋守  
之我兵勢不得過而其時兩將軍隔數千里無  
由咨詢乃選能番語者三十人衣番服飛馳至  
落籠宗禽其使者五人殺六人諸番聞之驚以

為神兵自天而降相與匍伏降無梗道者已而  
副將軍率諸將來會將鼓行入藏忽大將軍以  
調蒙古兵未至檄諸將各就所到處屯兵待之  
毋輕動公請于副將軍曰我兵齊兩月糧自察  
爾多來已四十餘日若再待大軍糧且盡聞西  
藏部落有公布者為其右臂最強能檄令先驅  
當無俟蒙古兵也副將軍許之公即招撫公布  
渡江殺逆番七千人禽首犯達哇等自四月十

本明文讀本



才高之謂之哀枚

三。日。用。兵。至。八。月。十。九。日。西。藏。平。

聖祖嘉之由副將遷四川提督駐松潘雍正元年青海羅卜藏丹津寇西寧大將軍年羹堯召公會謀公沿途勦撫有潘下等番為賊阻道者滅之有哈齊等番為賊虜者撫降之有果密等番盜官馬聚大石山喊鎗者擊殺之自松潘行至西寧五千餘里烽烟肅清青海為之奪氣既是大將軍即奉檄征爾格弄寺喇嘛于華里羅氏黨

五。也。華。山。甚。險。其。下。五。堡。環。峙。軍。到。寂。然。公。曰。是。有。伏。也。遣。騎。搜。之。堡。內。賊。果。起。公。三。分。其。軍。奪。山。殺。賊。賊。敗。走。追。至。一。山。有。高。樓。賊。伏。其。中。發。矢。石。公。命。健。兒。二。十。人。密。攜。引。火。木。梯。從。兩。旁。進。而。躬。率。大。隊。迎。戰。上。方。塵。樓。上。烟。起。天。大。風。燄。光。灼。耀。賊。累。七。然。焦。爛。墜。矣。是。役。也。破。賊。萬。餘。公。兵。止。三。千。也。還。營。大。將。軍。喜。謂。公。曰。

知公勇將命公領萬七千兵直搗青海約四月啓

本朝文讀本



行何如。公曰：青海賊無慮十萬，我以萬七千當之，宜乘其不備。且塞外無畜牧，所不可久屯。鍾琪願請精兵五千，馬倍之。二月，即發大將軍以公言奏。

世宗壯之，加奮威將軍。如期出塞，行至崇山，見野獸羣奔。公曰：此前途有放卡賊也。蓐食，速驅果禽百餘。自此賊探信者斷矣。至哈達河，賊據河立營。公渡河，戰斬千餘人，賊竄而西，追之。其意甚

勦彭錯等降，告知羅卜藏丹津，擁眾數萬，馳烏蘭大呼兒。公拔營夜行，遲明至其處，賊尚臥馬未銜勒。聞官軍至，驚不知所為，則皆走。生禽賊母阿爾太哈賊妹阿寶等。羅卜藏丹津衣舊婦衣，騎白駝，走噶爾順。公留兵守柴且木要害處，而躬自追之。日行三百里，至一地，見穆穆然紅柳蔽天，目不能望遠。夷人曰：此桑駝海也。路白此窮矣。公乃班師。是役也，公以五千兵往返兩



又原之謂云袁汝

月降台吉三禽台吉十有五斬賊八萬餘生獲男婦軍器駝馬甲帳無算獻俘京師

世宗告廟御太和殿受賀以青海平大赦天下加公公爵賜詩褒寵仍命率師二萬征葑浪衛諸番皆青海餘孽也所至驚服乃安插洛力達等十六族耕地起科而奏改葑浪為定番縣三年遷川陝總督五年準噶爾叛

上命六司馬查郎阿至關中築壇拜公為寧遠大將

軍征之公率師至巴爾庫勒賊逃公築東西城

上召公乃交印于提督紀成斌身自入都賊伺公行入劫馬廠紀蕙縮不救廷議者劾公失機所為非人

上斬成斌下公于獄

今上登極之二年赦歸田里十三年起公為四川提督征大金川先是經畧張廣泗等皆無功公到



命撤士兵募新兵揚言攻康八達而暗裏根襍奪四十七礮樓復臨勒歪口偽運糧狀誘賊伏火器待之賊果出搶糧鎗筒齊發爛先是金川

聞

天子用公皆不信曰岳公死久矣至是大挫方疑公土來然猶未知公果在否也會

天子命大學士傅恒視師誅姦人阿扣王秋等賊懼欲降恐降而誅負固未出公請于傅公曰鍾琪

願詣賊巢驗誠否問帶若干人曰多則賊疑非所以示信也乃袍而騎從者十三人傳呼直入羣苗千餘皆屬布衲襦衷甲持弓矢迎公目酋長故緩其轡笑曰汝等猶認我否耶驚曰果然岳公也皆伏地羅拜爭為前馬導入帳手茶湯進公公飲盡即宣布

天子威德待以不死之意羣苗歡呼頂佛經立誓雄牛行矣留公宿帳中次日酋長莎羅奔等從公



坐皮舡出洞詣大軍降事聞

天子加公太子少保兵部尚書復還公爵加威信二字以寵異之十五年冬西藏朱爾墨突叛殺都統傅清等公會同總督策楞討平之十六年禱谷開土司蒼旺有異志窺取舊保城公得信亟言于策公曰禱谷開卽唐維州最險要聞蒼旺密調九子龍高等處兵據維開此地一失後將噬臍宜及其未集擊之若待奏下則遲矣策公

深然之卽會奏便宜行事文武弁一年養廉兵三年糧率大軍夜圍禱谷禽蒼旺斬之撤土司設營置戍羣番恐服十九年再討墊江酋陳崑未至卒于軍年六十九

天子震悼子祭葬賜謚襄勤公長七尺二寸駢脅善射寡言笑目炯炯四射食前方丈饌飲兼人其忠誠出于天性征青海至哈喇烏蘇天寒溝涸軍渴公禱于天水卽湧出督川陝時有逆人曾



靜者上書勸反立禽以聞放歸十餘年廬于百  
花潭北野服蕭然忘為大將所製鈎梯戈甲精  
思詣微他人依古法為之俱不能及閒居手通  
鑑一編好吟詩有薑園瑩吟二集行世相傳者  
僧號活佛者倨受王公拜不動見公則先膜手  
曰此變身韋陀也僧言雖誕然亦可想見公之  
狀貌云率大軍奔國蘇谷會善理德之謝士同  
舊史氏曰枚與公次子油同舉孝廉于公為年

家子以不及見公為恨第七子澗為六安縣將  
恂恂儒將有父風與枚雅遊甚懽持公狀索枚  
立傳惜當時秉筆者敘次回冗讀之不甚了析  
為以意纂著于篇恐未足以傳公也公長子  
濬甫弱冠巡撫山東明達寬靜吏民懷之為公  
入獄故終歲七纓衣蔬食不宿于內亦偉人也  
當集其遺事為別立傳

當



大明文讀本  
袁枚

勇略得軍趙襄忠公傳

公諱良棟字西華陝西寧夏人年二十四以武  
勇受知於大將軍孟喬芳從英王征陝授潼關  
遊擊再隨經略洪承疇征雲南遷副將康熙元  
年滇王吳三桂竒公奏擢廣羅鎮總兵公知三  
桂有異志以疾辭三桂大怒欲劾誅之總兵沈  
應時爲美詞以解免隨入關補天津總兵十三  
年三藩反陝西大震寧遠惠安兵變殺經略提

大明文讀本



袁枚

督

聖祖命公征之。議者疑公陝人不可信。公請留家口於都而已。率勁兵馳往。

上許之。時官兵敗散屯堡荒廢。公沿路曉示。招官歸原汛。兵歸原伍。劾貪官。募健兒。軍威大振。斬首逆熊虎等四人。寧夏平。上疏奏蜀為滇黔門戶。若不先恢復。則滇黔路不通。請乘勝進兵。

上許之。公率兵抵密樹關。遇賊敗之。禽其將徐汝龍。

遂取徽縣。過高山深箐。數十重。晝夜兼行。抵自水壩。時康熙之十八年除夕也。壩為川江上流。與昭化唇齒。俗號鐵門坎。賊防守尤力。沿江立營。為石圍木柞。張砲。公下令曰。元旦渡江大吉。違者斬。黎明。公騎驛馬。率麾下五千人。橫刀渡江。江淺。為萬馬騰波。濤盡立。呼聲震天。賊連發砲。傷數十人。無敢回顧者。賊大驚曰。此老將軍也。令如山。不可抗也。方格鬪。天忽風吹馬如



本朝文讀本  
袁枚

吹舟頃刻抵岸。斬賊將郭景儀等。獲器械旗幟。馬匹無算。餘賊奔竄。追之再勝於石峽。十日而克成都。公入城。秋毫無犯。收金銀印二百六十。偽劄千奏繳之。

上大喜。手詔褒美。加勇略將軍。兵部尚書總督雲貴。公密奏滇黔恃蜀為捍蔽。今蜀已得。而吳三桂又新死。宜乘機速進。

上許之。當是時。王師征滇。貝子章泰自貴州進兵滇。

池將軍賴塔自廣西進兵。黃草壩滿漢兵十萬。會圍城。九月未下。米斗四金。月需米六萬石。公至軍。即向貝子陳三策。其一稱欲取內城先破。外護使賊四馬不能出。方可招降。其一稱我兵圍圍太遠。自歸化寺至碧雞關東西七十餘里。調呼不靈。宜掘裏壕相攻。逼其一降者。宜分別。接養。不宜盡發。滿洲為奴。貝子不悅。以滿洲語相駁。詰而公又漢人。不解滿語。張目抵牾。幸公。

大明文讀本



已表聞

詔下。悉如公策。貝子不得已。與兵二千。攻得勝橋。公望見橋頭砲臺甚密。白晝攻。所傷必多。乃伏馬兵於南壩兩岸。分步兵為三隊。營壕牆外牆上。架交槍子母砲。身披馬綿。持大刀。督陣。夜二鼓。攻橋賊。盡出死戰。其師郭壯圖。親搏戟三進。壕牆而伏。兵三起。應之列炬如星。鎗砲雨下。賊敗走。公奪橋。追至三市街。再敗之。天猶未明也。平

且入東南二門。郭壯圖。舉火自焚。三桂子世璠。自殺。餘賊盡降。雲南平。加一等精奇呢哈番。召入都。以將軍管鑾儀衛事。公破城。所得降將偽官。俱不殺。并代奏乞恩。以故樂為盡力。每戰有功。然本秦人性。驕氣陵其上。首創取蜀之計。將軍吳丹王進寶等。咸嫉忌。吳故大學士明珠從子。怙寵而貪。公尤輕之。每論事。輒不合。初吳三桂聞公取蜀大志。遣將胡國柱。陷永寧。建昌兵



部責公不救議削爵

聖祖不許公引兵克復兩郡追賊至大渡河

聖祖命公乘勝進滇而大將軍貝子屢檄公先追獲

胡國柱再往公不從攻得勝橋與兵甚少公爭

之許以在南壩相救及慶戰救不至得橋又敗

命蔡毓榮守之公積不平入朝屢忿爭於大學

士明珠前明雖怵以好語然以吳丹故心終不

善也公乞骸骨歸許之康熙三十五年

王征噶爾丹以公老將復召公年

十五遂上表

明心迹一疏分十四條洋洋數千言貶諸將軍

不值一錢而自序戰功最苦為部臣所抑語氣

傲悍御史龔翔麟劾以大不敬宜斬

上優容之命赴行在問方略寵賜優渥憫其老放歸

數年薨謚襄忠公雖武人好規通鑑家居聞知

縣呼騶過門便拱立喚家人子弟齊起曰父母

官過敢不敬乎其樸誠如此子四人位皆至制



不草之謂之衰故

府中丞

論曰以馬伏波之勲而晚年主恩衰替范蔚宗以爲功名之際理固應然公之功名有類伏波其長者家兒爭相傾軋則有甚焉且誣公謀反然而竟以合終者何也孔子曰惟天爲大惟堯則之

聖祖如天無所不照無所不容公過

聖祖公勝伏波矣公處

聖祖諭祭云事久而乃績彌彰人往而朕心長眷嗚呼使死者而無知則已死者而有知其如何讀而感上而悲也

本朝又續本

五十四



不耳之請之袁吹

五十一

于清端公傳

公姓于諱成龍字北溟山西永寧人順治十八年以副榜宰廣西羅城縣縣故烟瘴地多苗以攻劫為俗公與為誓毋弄兵器毋盜苗敬信之轉相告語馴伏或三日或五六日必率子女問安在羅五年舉卓異遷合州知州再遷湖廣黃州同知巡撫張朝珍知公才命討武昌賊黃金龍即守武昌當是時三藩反金龍陰受吳三桂

本明文讀本

五十五



偽劄屯兵據險其軍師劉君孚者爲訟事受公  
恩者也公知衆寡不敵乃騎一騾從一鄉約直  
入刘家劉欲探公意逃山後不出而陰張強督  
待公公罵且笑曰君孚老奴受我恩避我自慚  
作賊耶渠不過爲人逼誘耳我老人髮鬚如此  
寧不曉也語未竟君孚從厠後躍出投弓跪曰  
君孚祖宗有靈使公至此降矣尚何言卽日降  
其衆數千武昌鄉勇亦至問金龍何在曰在望

花山卽命導行乘其不備擒之撫軍喜奏實授  
武昌知府再調黃州甫抵任湖北大亂何士榮  
反永寧鄉陳鼎業反陽羅周鐵爪反白水劉啟  
業反石陂各擁衆數千號十萬陽言先取黃州  
議者謂援兵隨大軍征滇黃州兵少宜退保麻  
城公不可曰黃州湖北咽喉也棄之則荆岳七  
郡皆瓦解矣仗

天子威靈可以一戰徵各區丁壯自草檄先攻鼎業



擒之再攻士榮戰于黃土坳賊勢甚盛紅旗殷  
 山礮雨下隊長吳之蘭焚死火燎公鬚不為動  
 手劍立營門而陰令三百人自右山擊賊後賊  
 大亂敗走公曰諸賊中士榮最強士榮既破諸  
 賊膽落宜乘勝攻之諸營方炊覆釜以進預伏  
 兵于鐵爪等敗逃處果悉擒之乃勒石黃市旗  
 亭班師而還是役也為先鋒者把總某協謀者  
 明下士某引路者鄉民某督陣者公也不費公

家一錢二十四日而黃州平遷江防道再遷福  
 建按察使福建當耿精忠亂後廉親王駐軍省  
 中牧馬者月徵王夫數萬公爭于王前罷遣之  
 海寇犯漳泉有莠民通海起大獄株連千餘家  
 公平反之滿兵掠浙木子女沒為奴婢者數萬  
 公贖還之王與諸大府素知公名公所言靡不  
 聽遷布政使舉清宮第一巡撫直隸再遷兩江  
 總督官吏望風改操知公好微行遇白鬚偉貌



袁枚

者羣相指震懾士民有歡笑無管絃游情不空  
手櫃坊無鎖年六十八巡海歸薨

子震悼給祭葬加贈太子太保謚清端軍民巷笑  
繪像以祀公清介絕俗重門洞開白事官吏直  
入寢室左薑鼓右簿書狀如鄉里學博而用兵  
如神尤善治盜知黃州時聞張某者盜魁也崇  
闕高垣役捕多取食焉慮少遼緩竊不得乃半  
途微服傭其家詭名楊二司酒掃謹張愛之使

為羣盜先居亡何盡悉盜之件侶壯儲機密  
號乃遁去嗚銜到官一日者集健步約曰從  
禽盜且儀仗兵械稱姓前行至張所排衙于庭  
大呼盜出張錯愕迎拜猶抵擗公曰勿承可作  
面視我楊二也張驚伏地請死公取袖中大茶  
數十擲與之曰為辦此足以贖矣張唯唯願一  
切受署合門妻子環跪泣曰第赦盜死盜不能  
者某等悉如公命公留健役助之不數日羣盜

大明文獻通考



盡獲其殺人者活埋之武昌營弁某弟素無賴  
適遠歸是夜軍餉盡劫弁告弟所為彭考誣服  
連引十餘人獄具獻盜公破械縱之撫軍驚問  
曰盜寃曰真盜何在公指堂下一枝曰是真盜  
也餘黨進香木蘭山今晚獲矣未幾獲盜賊尚  
在校家封識宛然江寧盜號魚壳者拳挺倚駐  
防都統為解有司莫能禽公抵任時官吏憚公  
遠迎公日旰不至方驚疑探刺而還者報公早

單車入府矣羣吏飾厨傳不受饋餼率不受一  
郡不知所為按察使某公年家子也從容言公  
過清嚴則上下之情不通某意欲具一餐為雅  
壽公笑曰以他物壽我不如以魚壳壽我按察  
使喻意出以千金為募雷翠亭者名捕也出而  
受金司府縣握手囑曰我等顏面寄汝矣勉之  
翠亭質妻子于獄偵知魚方會羣盜張飲秦淮  
乃偽乞者跪席西呢上求食魚望見疑之刃肉



衝其口雷仰而吞神色不動魚昨曰子胡然子  
非句也子為于青天來禽我耳行矣健兒肯汝  
累乎翠亭再拜羣役入跪而加鎖擁之赴獄司  
府縣習于衢是夕公秉燭坐梁上若然有聲一  
男子持匕首下公叱何人曰魚壳也公解冠几  
上指其頭曰取魚長跪笑曰取公頭不待公命  
也方下梁時如有物擊我手不得動方知公神  
人某惡貫滿矣自反接銜匕首以獻公曰國法

有市曹在呼左右飲之酒縛至射棚下許弟其  
妻子遲明獄吏報失盜人情洶洶司府縣相賀  
者轉而相尤趨轅將跪謝告實而公已命中軍  
將魚壳斬決西市

論曰公紘仕羅城年已四十五不二十年督兩  
江名震天下其初心豈及此哉自言治兵武昌  
因草豆不足頭搶柱欲死者數矣孟子動心忍  
性之言不其然乎魏尚書環極以公與陸稼書



同薦海內榮之然公晚年出張中丞手書輒嗚咽流涕蓋魏公猶識之于名成後而張公先識之于名未成時子皮鮑叔之功尤為難也江寧人傳公魚壳事甚著考澤州相公毛稚黃兩傳皆無之故別立一傳不使文人釣奇獨病太史公云

河道總督陳恪勤公傳

公姓陳名鵬年字滄洲長沙湘潭人。生時大夫人夢大鳥挾一青衣童子來故命之曰鵬。以庚子。熙辛未進士。知衢州府。西安縣。有善政。大學士張鵬翮薦之。移知山陽。遷知海州。再遷知江寧府。江寧俗。父母死。子必親訃。公頒士喪禮。禁之。惡捕誣。良事發。赦後。公仍置之。法。康熙三十九年。



神皇文讀本 袁放

聖祖南巡總督阿山借供張名欲加稅公不可乃以  
他事中之落職按驗

聖祖赦其罪命入武英殿修書起知蘇州府蘇大疫  
公所至疫斷民書公名鎮于門過維亭鎮見水  
浮層心動遣探得屍均之其鄰乃某村婦手絞  
其夫也奉烈一書文真十來始命

旨攝布政使忤總督囑肌再以陰事中之落職按驗  
聖祖赦其罪命入武英殿修書學士沈涵密薦公

聖祖還其奏逾年召公見曰沈涵薦汝朕疑之今知  
非汝所聽請故用汝為霸昌道可乘傳奏事故  
事習學使者歸輸金修城沈修昌州城有冠花  
翎者數人稱某王遣來索金勢甚張公偽遜詞  
延花翎者入而陰伏健步縛置獄中駟馬馳奏  
適某王入覲

上示以公奏曰無  
上曰然則可聽陳鵬年處分公杖斃一人枷四人狗

本朝文讀本



於城自是畿甸肅然六十年大學士張鵬翮視  
黃河奏公協辦公請於廣武山下開引河使溜  
南趨又請疏南壩尾下流以殺水勢尋署總河  
兼署總漕漕用阻風旗丁糶盡公先給河庫銀  
六萬而后奏

聖祖嘉之以為得大臣任事林  
世宗即位授河道總督未一年薨  
上深惜之賜謚恪勤予祭葬公廉幹有寸民愛之如

李○色○變○客○亦○惶○視○不○知○所○以○公○笑○曰○諸○若○不○賀  
我○乎○盍○盡○一○觥○合○席○諸○聲○如○雷○不○能○者○強○畢○之  
俄○而○奴○捧○餐○餐○罇○出○磁○而○錫○全○者○也○疾○待○博○公  
起○手○斟○之○徧○元○客○曰○滿○乎○曰○滿○矣○持○行○至○李○所  
曰○某○年○月○日○為○一○餅○故○杖○獄○卒○欲○餓○我○死○者○非  
他○人○卽○足○下○也○今○河○岸○崩○百○萬○生○靈○所○關○不○比  
老○陳○性○命○不○值○一○錢○也○罰○汝○飲○卽○往○辦○治○放○一  
勺○水○入○民○田○者○請



袁枚

勅書斬汝亦使羣公知。鵬年非報私仇者。李長蛇色。若死灰持罇罇。墮地碎。兩手自搏叩頭數百遍。席客咄嗟回首無一人。忍睇其面者。李出傾家。治河洲平來。駟工官纓帽小車。所杖江寧獄卒也。既李竟慚恨死。公干故人子弟孤寒後進。汲引加不及。賓從歡飲而公目。覽手答沛然有餘。每用人則其家之一蹄一縷。必為資送。稱善廣坐。訓過密室人。街感次骨入獄。迥然自憶未了。

事曰杜茶村未葬。某僧求書。未與。布衣王安節。錄為面別。從容料量承鎖而行。在蘇昇鬱林石於郡學。遊焦山。遣人泗水取瘞鶴銘為守護之。其標寄如此。所著詩文若干卷。其被逮入京也。除夕市米潞河。主人問客何來。曰陳太守。曰是湘潭陳公耶。曰然。主人曰是廉吏。安用錢為反。其直問住某所。次日戶外車聲。檻七餽米十石。書一函稱。

六月之賈下



天子必再用公公宜以一節終始毋失天下望紙尾  
不著名姓問擔夫曰其人姓魏訪之則閉戶他  
出竟不知何許人也

論曰先有素舜後有臯夔非遇

聖祖雖十陳公烏能賢昔汲長孺魏元成輩束以細  
荆三十則亦呼暑而乞恩矣諫七得善諍名皆  
其所遭者幸也

聖祖南巡公不除道不供張甫入獄百姓張黃旗城

上曰如喪考妣村氓蠢愚至于如此忘者誰以  
大逆非無因也而

聖祖怡然但云民愛如此甚好為霸昌道進瓜熟河  
聖祖詔家人汝主官清不必以常例供奉好將瓜帶

歸即

賜汝主嗚呼

聖祖知公何其深也昔權德輿讀太宗賜李靖手詔  
不覺嗚咽流涕而嘆曰君臣之際至于如此吾



本草言部 袁枚

于恪勤亦云。

48-11983



